

序

高密古大禹所封國也春秋為萊之
淮夷晏子實生焉故其間忠臣烈士
孝子悌弟義夫貞婦接踵而起秦屬
齊東境韓信罷破齊王引兵東走
高密即其地也漢宣時為高密國晉

高密縣志

卷之首 序

初改屬城陽郡惠帝元康間又分為
高密國南北朝屬高密郡唐宋以來
屬密州明隸萊州府我

朝曰之是高密之名之由來久矣今

天子紀元之二十有一年乙未秋

賚子

捧檄

宰高密入其境南挹九嶺之秀北瞰



古城之雄東臨膠河觀其水則朝宗
於海也西過鄭公鄉康成先生故里
在焉是文獻之區也其流風餘韻問
猶有存焉者乎鄉老告余曰自某之
生於斯也俗無徭役之驛騷地無商
賈之輻輳冠蓋罕至僕馬鮮經士樂

高密縣志

卷之首 序

二

絃誦民安耕鑿其荐紳先生亦大都
愛惜名節者居多惟是兵燹以後元
氣未復近復海疆甫定伏莽未除為
可憂耳其他非所知也余聞之曰噫
吁嘻察下民疾苦與之休息而曰利
利之牧民之責也體不欲不竊之意

以馴致乎路不拾遺夜不閉戶是亦
守土者分內事也於是兢兢求理不
敢自逸會邑諸紳以脩志請余不敏
以簿書未遑辭其次年春又來請並
進採訪冊若干本謂是舊令尹鄭君
繼修命邦人士所搜羅而得者其時

治稍暇受而閱之見自乾隆癸酉起迄
今百數十年來典禮之因革陵谷之變
遷人物之代興風俗之好尚與夫禎祥
恠異之徵應兵戈水旱之迭更莫不備
具回思古之人足跡所經往來問其地
之俗與事與人與物筆之書以作一家

紀載况此名邦志乘其所以激蕙謠俗
昭茲來許者實非淺鮮爰與廣文先生
劉君之珍李君蔭漳暨邑諸紳証諸舊
志續以新編並延訪高才生十人詳加
訂校閱五月而書成因弁數語以誌其
緣起云

光緒二十有二年歲次丙申端陽後
十日署高密縣知縣蕭山傅賚予撰

序

余自束髮時卽耳洛水唐公古皮張公名其學行治績矜式於鄉余去二公居最近故聞之甚悉及筮仕山左得高密二公舊治也俗樸人文殆猶有遺教存焉下車後披閱邑志知唐公創於始張公承於終者計余隸事時去張公又百餘年矣其間陵谷變遷人文輩出湮沒而不彰者何可勝計每思續志之以繼二公後而檄調以去不果行今

皇上御極之十有五年四夷就撫民物滋豐前中丞 勤果

高密縣志

卷之首

鄭序

張公以重修山東通志入告奉

旨俞允因檄各屬將原志彙呈並將未續事實諮訪繕進以備採錄余方謀纂續又以檄調去接篆者聞中羅君邦彥也蒞政之始卽以邑志爲務進邑中文士分採訪纂修諸任並延紳董籌捐經費提調手民事未竟羅君亦去余不敏復蒞茲邑方懼隕越以爲唐張二公差又何敢以文墨之事從其後耶雖然有司之責首重表揚邑人士旣以筆削歸余余亦義不容諉抑余尤有難焉者邑之田賦山川備詳前志無庸異議獨此百餘年來水

道之變更人物之出處與夫節義文章之顯晦非廣搜博採確實不浮必有非遺則濫之弊今幸徵文考獻確有憑依此邦之光守土者亦與有榮施矣余譎陋無文不敢與唐張二公並傳略弁數語聊以識余私淑之意云爾

光緒二十一年歲次乙未前知高密縣事堂陽鄭繼修序

高密縣志

卷之首

鄭序

二

前志舊序

余不佞壬寅之春承乏高密時未出都門候者至廼候者類伺之人不足問俗而境內圖籍復一無所將凡邑之山川土田風俗人物與夫建置沿革戶口桑麻欲按牒而嚮往其間則蒼茫無所問途嘻密之文獻若此其謂之何迨蒞茲土鯁鯁焉欲補其典之缺第不佞鮮吏才案牘旁午日逐逐未有暇更兼不文之爲累是以條議條罷竟爾闕如嘻余於是慮文獻之終不足也及再閱歲殫力拮据庶役次第就緒余始獲竟累之閑而暇

高密縣志

卷之首

唐序

亦相安於余之拙邑中三五老更復聚族請曰使君治密而密治獨不能志密之治使後之治密者以志治治密乎余循循謝不敏然亦津津乎欣與雅志合也輒慨然肩其事又虞林錯難總彰瘡難決煩簡難裁罔克堪厥任謀之廣文先生董君希清敦司訓之博古者林君華魯董焉開館設局延諸生之美秀而文者李子朝選閻子啟元李子應科夏子士譽李子先成相與編摩揚挖余亦於退食之暇躬爲讐校大都其爲志也已事方之原本更參以郡志攷以齊乘通志二十一史諸書其

歲時變易昔無今有此是彼非者不嫌斷以新裁敘事
甯詳而核摛詞甯簡而當補遺期於有據正訛期於覈
實信信疑疑期乎可傳而止自地理以迄藝文總計之
其類爲十條分之其目五十有九凡有關於境土民風
者靡不釐然具載嘻有是編也密之文獻其足徵矣乎
茲役也越五十年而始舉舉浹旬而聿新藁甫脫駸駸
與師儒謀爲殺青而朝家轉蜀之命下矣余方畏簡書
戒行不遑處邑中老更復亟亟請余簡其首余曰志史
類也昔人謂作史者必擅三長不佞無一焉敢擬作者
高密縣志

卷之首

唐序

二

茲不過紀已往之得失爲將來之勸戒俾後之治密者
一按牒而知某事足令人勸某事足令人監於以嘉惠
一方於有求斯固其作志意也嘻余行矣繼余蒞茲土
者余不及告以政倘不以余言爲土苴而問途於是編
卽不敢謂爲適治之路庶幾不類余之苦於蒼茫云爲
之序以俟皆

萬歷乙巳春高密縣知縣洛水唐允中撰

前志舊序

夫志記也徵往蹟掇遺芳洵鉅典哉密舊有志嘉靖中定山陳公令是邑修之迨今五十餘禩浸以殘缺失傳致山川隱曜人物埋真宦蹟節孝先後總歸堙圯往令議修議罷竟同築室此志遂爲缺典不佞承乏茲庠觀學宮就圯每爲喟歎及發櫝而窺典籍放逸邑乘寥寥無稽輒吁焉有作者之思是時乃唐公蒞政之期也竊見其政舉廢興犖犖多異蹟而尤雅意文學不佞心私喜之每語諸士曰舉密曠典者是其人語無何鳩工於

高密縣志

卷之首 董序

三

泮以圖葺治未週星制度煥然且多增置釐正創古未有事竣進不佞於庭津津然謀修邑志以垂不朽不佞

承公盛心爲之遴青衿之俊者以弼厥事揔以寅火林公公自爲裁定而臻其成時時介不佞於側使叅末議

蓋以泮之作不佞有弋獲之愚也公識超而心虛故人

各展其奇不閱月書成密藉是成文獻邦蓋公以其優於吏治者用之新泮再用之纂乘兩者並稱不朽盛事是志也卽拮据其間者不過効斲削之力且不得言功

不佞敢謂纖塵裨泰嶽哉時呈報上官諸上官咸嘉

詔鍬以壽其傳公因屬不佞言不佞逡巡不獲已僭爲
道其本末以跋諸簡餘皆

萬歷乙巳春教諭有莘董希清謹跋

前志舊序

夫志匪獨記事維風教振人心信今傳後邑之志猶國之史也密雖山河如故風景不殊而時移事改月易而歲不同則得失殊歸也虛實異據也今昔有無態狀又逋遷變幻靡常也志之更新也夫豈緩圖但前者虞剏虞費旋議修旋又議罷蓋築舍道旁矣孰有如邑侯唐公舉五十年來之闕典一旦剏修也哉公殫精政治百廢聿新復慨然嘉意於志揀能文之士得五人又不鄙僕寡昧謬司敦事帙成將梓適公以王命榮遷慮事之

高密縣志

卷之首

林序

五

未竣也卽捐俸帑付剏氏以壽其傳首序出公手裁文藻洋洋纒纒綱類條目已詳哉言之矣僕何容贅第

以忝與志事敢無言於簡末竊惟志豈易易剏字繪句務工色澤則葉龍之好也拾唾掇吻致無完膚則效顰之誚也玉石相糅漫無決擇則墨之絲而朱之路也有此三者殆無完志矣茲志雖不敢謂擷精漱潤登作壇輒上乘然芟蔓就簡補遺正訛文不詭備不侈實不爽庶幾哉無貌言耳食寡前三者之弊與蓋劍不必干將期於剏割樂不必廣陵期於導和志不必炫奇期於率

真真則信信則傳傳則可維風教而振人心后有作者
藉以考鏡孰非更新之功哉噫志脫藁僕與諸生肩之
而勗體命意諄諄乎愛民造士保良禁暴思進之古登
之邳隆又公惠密之盛心也公之政蹟業已聲諸歌咏
而頌傳不朽者有此志存也嘗聞戎鏡包陽當日而矚
之能舉燧興火處幽而視之何異一規之幽銅密人士
鏡志會意相與祓濯共耀於光明期不負公修志美意
毋徒曰此亦一志也而幽銅目之又僕所厚望而倍幸
者豈

高密縣志

卷之首

林序

六

萬歷乙巳春訓導東黃林華魯謹跋

舊志序

邑乘者圖籍之所取資也別貞淫昭勸戒以資史官之採擇蓋其重也浩自乙酉秋承乏高陽將欲勉竭駑駘以効職事顧未悉一方之民風土俗因革利病詎可以爲治於是訪覓舊志久之得一冊帙不盈寸自萬歷乙巳邑宰唐允中修輯而後迄今百餘年中間數更兵燹文獻無徵邑宰陳淳輯有志藁未付棗梨今時移勢易戶口不無登耗建置不無變更風俗之盛衰人物之興廢非增輯之其何以垂後固宜朝至而夕圖之乃必越

高密縣志

卷之首

張序

七

四年而始克從事者非敢緩也方浩之蒞密也適丁饑饉洊臻之後田卒汚萊流離載道勢未暇及邇來辟荒蕪集流亾紀綱粗定始得以簿書餘暇稍親筆墨會廣文袁君嗣烈江君爲霖不辭珥筆之請更集邑之縉紳更老及俊髦之士取舊志而增訂之刪其煩複正其亥豕網羅放失窮極搜討浩自公之餘復加修飾四閱月而書成寫仍其舊事倍於前而詳慎尤至焉第愧弁陋無文不足以鼓吹休明然於山川阨塞謠俗好惡制度興廢備載無遺以備採擇使殘疆瘠土鋒鏑遺黎共慶

階平且俾後之司牧者觀其往轍匡其不逮與含哺鼓腹之民永遊仁壽之域是浩之素願也夫昔

康熙四十九年庚寅相月之吉高密縣知縣會稽張浩書

高密縣志

卷之首

張序

前志舊序

一代之興必有一代之史史者志之大成也昔太史採風輶軒列國凡土地之廣狹風俗之淳薄人物之盛衰悉登於朝彙而輯之曰史迨後採風無聞作史者則惟志書是賴是故省有省志府有府志縣有縣志書雖不同而其所以黼黻

聖治潤色鴻猷之意則一也密邑舊稱盛地古蹟累累名賢

卓卓不可勝紀然初志于邑侯之唐公允中再志于邑侯之張公浩歷今四十年餘建置不無變更時事不無高密縣志

卷之首

張序

一

移易第於斷簡殘編之中欲覩風土人物之全蓋亦難矣余故自仲秋承乏以來卽以邑乘爲問而邑之紳士遂挾其前任錢公廷熊之舊稿請質于余余于簿書餘暇閱其卷帙凡若干卷其於山川阨塞謠俗好惡制度廢興無不備載每歎錢公之雅意搜羅表揚先哲殆與余有同心歟爰付梓人命之速就歷五越月餘始克成書其間修明探討余雖不敢擅錢公之長而發凡起例叅互考訂余竊與有力焉是書之成也他時採實錄以貢

天子徵文獻以修

國史已往之名人古蹟不至淹沒而不彰後之薦紳士庶覽其風土考其人物亦可油然而思奮庶幾洎斯土者優游治理坐登仁壽得與大邦人文蔚起之後附循良之末以並垂不朽也是則余之厚幸也夫

皆

大清乾隆十有八年歲次癸酉冬至後一日山東萊州府高密縣知縣古皮張乃史書

高密縣志

卷之首

張序

二

前志舊序

邑之有志也何取乎志土田也志賦役也志民風與沿革興廢也故土之黑黃墳壤賦之上下重輕俗之貞淫奢儉與夫歷代之因革損益胥於是乎稽之使覘國者採之輜軒足以識漙漓守土者考之舊章足以昭法守鏡得失雖有奸胥猾吏不得上下其手皆於此取裁焉昔班固譏司馬長卿浮華之詞不周於用然則君子之有作也固將以期有用豈第如王武子孫荆公徒誇其土地人物之美已哉密故有志自康熙庚寅會稽張公

高密縣志

卷之首

錢序

一

續修之後迄今四十餘年其間滄桑更變因革異宜者不可勝紀如膠河東徙十餘里五龍河西徙數里百脉湖昔爲巨浸今且成沃壤焉他如丁銀均於地糧衛屯省入縣籍其條編則例悉非舊觀又如舊制民間田宅貿易輸稅例用司尾貢賦更易本名當該吏任事者每名給百錢直紙筆酬勞勩而已誰作之備司尾每頁六百改撥戶名每稅畝索錢十按畝加增不爽毫釐徃徃吏胥需索浮於正供以致稅額虧缺賦役混淆蠹

國病民莫此爲甚聞近奉文禁革是尤弊所當革宜著爲